

2145

A S C E T I C I.

2146

DLXII.  
 152 Codex chartaceus lat. Sec. XV. Folior. 160. f. bene scriptus et rubricis distinctus continet *Summam Collectionum* five *Communiloquium Johannis Guallensis, Galensis, Valleis, Waleys, Angli Wigorniensis* O. M. Scriptoris Sec. XIII. et Praeceptoris conterranei sui *Johannis Duns* s. *Scoti*, qui tamen in Codice non nominatur. Opus in VII. Partes tribuitur. Praefationis initium est: *Cum doctor siue predicator sapientissimis et insipientibus debitor sit &c.* Ait in hac Praef. *Quia non omnibus predicantibus conuenit inspicere et perscrutari multa volumina predicatorum doctorum collegimus in hoc tractatu siue collectione que potest dici summa collectionum siue commune loquium quedam generalia ad instructionem hominum secundum veritatem (uarietatem?) suorum statuum. Et hoc non solum de libris diuinorum doctorum Sed etiam ex libris gentilium philosophorum &c.* Id, quod exemplo *Pauli, Hieronymi* et *Augustini* tuetur, et gnauiter praefat, ut adeo non mirer, eum, *Tritbemio* teste, *Parisis*, ubi docuerat, *Arborem Vitae* appellatum fuisse. Agit de eo praeterea *Caveus, Oudinus, Fabricius* et *Tannerus* in *Bibl. Brit. Hib. lit. J. p. 434.* Opus jam Sec. XV. typis proculsum est s. l. et a. f. quae editio ad *Job. Zeiner* impressorem *Ulmensem* pertinere videtur; *Augustae* per *Ant. Sorg.* 1475. f. item, ut

ex phrasi subscriptionis videtur, 1481. per eund. f. *Venetiis* per *Georg. Arrivabene* 1496. 8. et *Argent.* 1489. f.

DLXIII.

Codex chartaceus lat. Sec. 238 XV. Folior. 212. f. duabus columnis nitide exaratus et rubricis distinctus hanc in Theca anteriore praefert notam: *Egregius pater sacre Theologie ac arcium liberalium doctor preclarus. ecclesie s. stephani wienne decanus atque canonicus meritis. magister paulus de melico. collegij ducalis librerie hunc librum testatus est. cuius anima precibus vtentium commendatur.* Complectitur vero: I. *Johannis Guallensis, s. Galensis s. de Valleis* O. M. Angli *Summam Collectionum* dictam alias *Communiloquium, s. Margaritam Doctorum* s. *Summam Collationum de regimine vitae humanae*, de quo Opere abunde diximus ad Cod. anteced. Praeunt tamen hic *Summaria* omnium VII. Partium, quae ibi desunt, et incipiunt: *Cum Collectionis huius que potest dici summa collectionum sint septem partes &c.* Finit Opus: et *utiliora saluatoris gratia illuminante studeant inuenire.*

II. fol. 169. Excerpta, ut inscribuntur: *Ex vitis Patrum.* Narratiunculae de dictis et factis antiquorum *Eremicolarum*, singulae titulis miniatis, quam virtutem doceant. Prima sine titulo incipit: *Quidam frater requisivit abbatem Heliam dicens: Si contristauero*

2147

## C O D I C E S

2148

*tristauero aliquem, quemadmodum rogem &c.* Nota est vasta illa Collectio *Hieronymo* perperam adscripta et jam Sec. XV. pluries barbaro *Liber Vitaspatrium* titulo typis edita, demum faniores *Heriberti Rosweydi* curas experta *Antverpiae* 1615. f. ex qua Flosculi nostri decerpti sunt. Ultimus tamen inscriptus: *Quod non est curandum de eo, quod actum est, sed quid sit agendum.* de quodam in puteum lapso ex epistola *Augustini* ad *Hieronymum* desumptus dicitur.

## DLXIV.

587. Codex chartaceus lat. Sec. XV. Folior. nunc 229. 4. maximam partem nitide exaratus quondam ad saepe memoratum Sacerdotem illum *Bohemum Wenceslaum Rossam Presorovinum* alias *Chrudimensem* pertinuit. Inest ei I. *Traктatus de preparacione cordis*, qui incipit: *Preparate corda uestra domino, verba sunt Samuelis &c.* et ad calcem *Liber de doctrina cordis* adpellatur. Recensus est *Cod. DCXXXIX.* et *F. Gerardo Leodiensi* O. P. jure meritoque tributus.

II. fol. 124. p. 2. Incipit *Libellus qui intitulatur testamentum electorum.* Ingressus: *Disposui testamentum electis meis. Angelus testamenti id est christus quem pater heredem uniuersorum constituit in cruce decedens testamentum eterne hereditatis, quod longe ante disposuerat, morte propria confirmauit. &c.* Juxta VIII. quas

vocant, *Beatitudines* ordinata est pia Commentatio et finit: *Superborum sublimium colla propria uirtute calcans. Valer. Andreas* et *Foppenius* in *Biblioth. Belg.* complures excitant *Codices*, in quibus hoc Opusculum *Librum de Doctrina Cordis* praefixo *Gerardi* nomine pone sequitur. Quidni et nos ei tribuamus, non obstante *Trithemii* silentio, qui non omnia *Gerardi* se vidisse fatetur.

III. fol. 156. p. 2. Incipit *libellus de tribulacione.* Ita: *Dominus domine auxilium de tribulacione. Tibi anime tribulate et temptate proponitur uerbum hoc, ut intellecto de quo tribulaciones seruiunt sapientibus, et que seruitia ex eis extrahere possunt, nisi per te steterit, non solum pacienter sed etiam hilariter gallice abone chire eas sustineas &c.* Licet nec *Trithemius*, nec *Bibliothecarii supra cit.* nec *Quetifus* hujus Opusculi meminerint, tamen illud confidenter *Gerardo* tribuo, cum, quod in *Codice* praecedentibus cohaereat, tum maxime ratione *Stili*, et interjectionis *φρασων Gallicarum*, quas et in prioribus *Traктatibus* offendas. Agit uero hic *Autor* de XII. *Utilitatibus* seu *Seruitiis*, quae praestant *Hominibus Adversa*, et concludit: *ut tandem percipias coronam uite quam repromisit deus diligentibus se.*

IV. fol. 182. p. 2. *Traктatus* catholicus de *Substantia Panis* et *Vini* non remanentibus in *Sacramento Altaris* post consecrationem. Initium: *Visum est non esse*